



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. I. Quibusdam præmissis, difficultas resolvitur

---

[urn:nbn:de:hbz:466:1-77355](#)

Nec obstat quod illæ formalitates non realiter, A sed virtualiter tantum inter se distinguantur: quia ut ait D. Thomas qu. i. de malo art. 4. ad r. *Idem secundum diversa potest esse culpa & pena, non tamen secundum idem.*

**142.** Dices primò: Culpa non est à Deo; Sed privatio justitiae originalis, ut subjiciens mentem Deo ut ultimo fini, ab ipso causatur: Ergo non habet rationem culpæ. Minor probatur: Iustitia originalis, ut subjiciens mentem hominis Deo ut ultimo fini, est habitus pendens à Deo in fieri & conservari: Ergo carentia illius est à Deo subtrahente auxilium, quo producatur vel conservetur.

**143.** Respondeo quod quamvis carentia justitiae originalis ut subjiciens mentem Deo, physice B sumpta, seu ut proveniens ex subtractione auxilij divini, sit à Deo, quia sub hac ratione est tantum pœna, cum propter culpam Deus subtrahat tale auxilium; carentia tamen iustitiae originalis ut subjiciens mentem Deo, moraliter spectata, & ut volita voluntate capitis, sub qua tantum ratione potest dici culpa, non est à Deo, quia ut voluntaria sequitur ad actum voluntatis Adami, non prout ille actus erat à Deo efficiente, sed in quantum erat à voluntate Ada deficiente.

**144.** Si dicas secundo: pœnam debere presupponere culpam: respondetur quod etiam privatio physica justitiae originalis, qua est pœna peccati originalis, presupponit eandem privationem ut voluntariam, sub qua formaliter habet rationem culpæ: priùs enim est nostro modo intelligendi privationem illam voluntariam esse voluntate nostri capitis, quam illam infligì à Deo; idè namque Deus nobis nascentibus subtrahit auxilium justitiae originalis productivum, quia voluntate primi parentis voluimus justitiam originali privari.

**145.** Ex his inferes, ad rectè concipiendum totum culpe originalis processum, quatuor esse distinguenda signa seu instantia rationis. In primis enim concipere debemus puerum sub debito habendi gratiam ex pæsto in paradiso inito inter Deum & Adamum. Deinde intelligere debemus, peccatum Adami respicere hunc puerum tanquam membrum ipsius Adami, & cauare in ipso aversionem voluntariam à Deo ut ultimo fine, seu voluntariam privationem subjectionis debita ipsi Deo, in qua originalis culpa formaliter consistit. Tertiò intelligendus est idem puer, ratione utriusque peccati, tum Adami, tum proprij, indignus ut Deus ipsi gratiam promissam conferat, subindeque dignus ut denegetur ei ipsa gratia, quatenus est bona eidem pueru, ordinaturae ad illum perficiendum. Denique intelligere debemus, Deum, utroque peccato ad punitionem pueri provocatum, denegare suum concursum collativum gratiæ, & has denegatione cauare ipsius gratiæ privationem, non prout hac privatio tollit subjectionem debitam Deo, sed ut tollit perfectionem promissam & debitam pueru, illumque in seipso perficiendum, quo pæsto talis privatio habet rationem pœnae.

**146.** Dices: In illo secundo instanti, seu signo rationis, in quo intelligimus peccatum aequalē Adami cauare in pueri privationem subjectionis ad Deum, etiam intelligimus Deum ut negantem concursum collativum gratiæ, atque adeo ut punientem puerum per tales negationem, alias deberemus tunc concipere Deum gratiam infundentem: Ergo tam citò concipimus pue-

rum affici privatione gratiæ ut pœnā, quam affici privatione illius ut culpā.

Respondeo in tali signo nihil concipi de Deo, 147. sed ab eo praescindi; unde neque concipimus illum ut negantem concursum gratiæ, neque ut illam influentem, sed solum concipimus id quod ex parte pueri se tenet, & quod ex peccato Adami accepit; quod verò propter hoc Deus deneget gratiam, & hac denegatione seu privatione puerum puniat, pertinet ad signa sequentia.

## ARTICULUS VI.

*In quo subjectetur originale peccatum?*

## S. I.

*Quibusdam premisis difficultas resolvitur.*

**N**O TANDVM primò, quod aliquid potest 148. esse in alio tripliciter: vel sicut in causa principali, ut filius in patre: vel sicut in causa instrumentalis, ut filius in semine patris: vel sicut forma in subiecto, ut albedo in pariete, aut cœctitas in oculo, eo modo quo privatio dicitur habere subiectum.

Notandum secundò, peccatum originale potest 149. se considerari dupliciter, nempe formaliter & quoad essentiam culpæ, seu quantum ad malitiam primariam & constitutivam; & effectivè quantum ad proprietates, & effectus ex ipso derivatos, qui in ipso de materiali & secundariò importantur. His præmissis.

Dico primò, peccatum originale esse in Adamo sicut in causa principali, & in semine sicut in causa instrumentalis. Ita D. Thomas h̄c qu. 83. art. 1. in corp. ubi sic ait: *Peccatum originale omnium hominum fuit quidem in ipso Adam sicut in prima causa principali, secundum illud Apostoli ad Roman. 5. In quo omnes peccaverunt. In semine autem corporali est peccatum originale sicut in causa instrumentali, ēd quid per virtutem activam seminis traducitur peccatum originale in prolem simul cum natura humana. Ex quibus sufficienter probata manet nostra conclusio. Unde*

Vico secundò, peccatum originale priùs & immediatus recipi in essentia animæ, quam in ejus potentias; imò si quoad essentiam & rationem formalem culpæ consideretur, recipi in sola essentia animæ; in potentias verò solum ratione proprietatum, vel effectuum ex ipso procedentium inveniti.

Prima pars est D. Thomæ qu. 4. de malo art. 4. & h̄c qu. 83. art. 2. ubi eam dupli ratione demonstrat. Prima quam habet in corpore, sic potest proponi. Peccatum originale per originem seu generationem ex Adamo traducitur iu posteros: Sed origo seu generatio priùs attingit animam ut terminum, quam potentias illius: Ergo priùs hoc peccatum inhæret animæ, quam ejus potentias.

Hæc ratio D. Thomæ displiceret Vazquezio: 152. Tum quia anima rationalis, cum non educatur ē sinu materiæ, sed à Deo immediate procedat, non est terminus generationis, sed creationis. Tum etiam, quia si peccatum originale, ēd quid per generationem traducatur, deberet esse priùs in eo quod immediatus generationem terminat, sequeretur illud immediate recipi in toto compōsito: hoc enim, & non anima, immediate per generationem attingitur.

**153.** Sed hæc frivola sunt, & vim rationis D. Thomæ non infirmant, sed confirmant. Ad primum enim facile respondetur, quod quamvis anima non terminet generationem ut terminus per illam productus, eam tamen terminat ut terminus per illam corpori unitus; alijs homo non generaret hominem, si suâ actione nec effectivè, nec unitivè animam rationalem attingeret.

Ad secundum dicatur, D. Thomam non fecisse comparationem inter primò & secundò terminans generationem absolutè, sed inter subjecta quæ culpæ capacia sunt; & quia compositum secundum se totum non est capax culpæ, sed secundum partem principalem, quæ est anima rationalis, ut probavit art. i. ubi carnem excludit à contractione culpæ originalis secundum essentiam culpæ, ratio adducta probat peccatum originale recipi immediatè in essentia animæ, non verò in toto composito, vel in potentiis ejus. Unde sic proponi & illustrari potest ratio D. Thomæ. Inter partes hominis, quæ sunt culpæ capaces, illud priùs recipit in se culpam originalem, quod priùs per generationem corpori unitur: Sed priùs unitur corpori per generationem anima rationalis secundum essentiam, quæ secundum potentias; cùm inter corpus & animam nulla mediet potentia, inter potentias autem & corpus mediet anima ut subjectum & principium potentiarum: Ergo culpa originalis priùs & immediatù recipitur in essentia animæ, quæ in ejus potentiis.

**154.** Confirmatur: Parvulus qui concipitur, priùs naturâ intelligitur habere animam quæ potencias: Sed in illo priori anima est infecta peccato originali, cùm sit actu pars filij Adæ; unde si de potentia absoluta ab essentia animæ potentiae non refutarent, ille parvulus non propterea à culpa originali esset immunis, sed eo ipso quod per generationem fieret membrum Adæ, tali peccato inficeretur: Ergo priùs naturâ peccatum originale recipitur in essentia animæ, quæ in ejus potentiis.

**155.** Secunda ratio D. Thomæ sumitur ex resp. ad 2. & sic potest formari. Idem est subjectum privationis, & forma quæ privat, nam v. g. co-citas est in oculo, in quo subjectatur potentia visiva: Sed anima est immediatum subjectum formæ, quæ privat peccatum originale, nimirum originalis justitiae: Ergo & peccati originalis. Minot probatur: nam ut ibidem ait S. Doctor, Originalis justitia perirebat primordialiter ad essentiam anime, erat enim donum divinitus datum humana natura, quam per prius respicit essentia anima quæ potencia. Addo quod justitia originalis, ut supra dicebamus, essentiale & in recto gratiam sanctificantem importabat: Sed gratia sanctificans in essentia animæ immediatè recipitur: Ergo & originalis justitia.

**156.** Ex quo probata manet secunda pars conclusio-nis: Nam gratia habitualis secundum suam essentiam solum in anima residet, in potentiis autem secundum proprietates & virtutes ab ipsa dimanantes existit: Ergo pariter essentia culpæ originalis in essentia animæ recipitur; in potentiis autem, ratione proprietatum, vel effectuum ex ipsa procedentium inventur.

**157.** Confirmatur & magis illustratur hæc ratio: Quamvis in justificatione infundantur gratia & dona, ut per illam anima exornetur, & per hæc eleventur potentiae; essentia tamen formæ justificantis in gratia habituali animam exornante

adæquate consistit; alijs forma nos justificans non esset una, sed multiplex, contra id quod definit Tridentinum sess. 6. cap. 7. ubi ait quod unica causa formalis nostræ justificationis est justitia Dei, non quæ ipse justus est, sed quæ nos justos facit &c. Ergo pariter, quamvis anima & potentiae insificantur per culpam originalem, essentia tamen illius adæquate in animæ infectione consistit; infections autem seu deordinatio-nes potentiarum, secundariò tantum ad illam ve-luti ejus proprietates pertinent.

## S. II.

Solvuntur objectiones.

**O** BICES primò contra primam partem **158.** hujus conclusionis, cum Scoto in 2. dist. 32. Anima secundum se non est susceptiva culpæ, sed solum mediâ voluntate: Ergo culpa originalis priùs & immediatù non recipit in essentia animæ, quæ in ejus potentiis. Consequens manifesta est, Antecedens probatur: tum quia omne peccatum essentialiter est voluntarium: tum etiam quia dicit deformitatem à lege, quæ non potest inesse animæ, nisi mediâ voluntate, cùm non nisi illâ mediante, legis obligationi subesse possit.

R. Spondeo cum Cajetano, Antecedens esse verum de culpa actuali, non autem de habituali:

cùm enim anima secundum suam essentiam rationalis & spiritualis sit, & radix omnium actuum moralium, bonorum & malorum, non est cur ex hac parte repugnet illi esse immediatum subjectum alicuius quod sit moraliter malum: unde si est aliquid peccatum, quod in ipsa non posit immediatè subjectari, provenit non ex eo quod est culpa seu malitia moralis, sed ex eo quod est operatio, & id est ablatâ ratione operationis à culpa, sicut auferitur in peccato habituali, sive originali, sive personali, nihil obstat quominus culpa immediatè subjectetur in essentia animæ. Ad primam probationem in contrariis, dicendum est peccatum habitualē esse voluntarium per modum termini, non per modum actus: licet autem id quod est voluntarium terminativè, debeat animæ competere mediâ voluntate propriâ, vel capitî, ut causa efficiente, non tamen mediâ voluntate concurrente in ratione subjecti. Ad secundam probationem eadem distinctione utendum est: quando enim dicitur quod deformitas à lege habitualiter permanens post peccatum, non inesse animæ nisi mediâ voluntate, hoc falso est, si sensus sit non inesse nisi mediâ voluntate concurrente in ratione subjecti; verum autem, si intelligatur eam non in esse nisi mediâ voluntate ut causâ efficiente; ex eo enim quod voluntate devit à divina lege per suum actum, resultat praedicta deformitas in anima permanentibus habitualiter.

Objicies secundò: Ex D. Thoma hic qu. 82. art. 3. Privatio originalis justitiae, per quam voluntas subdebetur Deo, est formale in peccato originali. Sed privatio justitiae originalis, ut subjectis voluntatem Deo, residet in voluntate: Ergo peccatum originale, quantum ad formale, in voluntate residet, non verò in essentia anime.

Respondeo D. Thomam non loqui hic de subiectione formalis voluntatis ad Deum ut ultimum finem, quæ est à charitate, sed de sub-